

# Viste nigard

Av Knut Raastad, 2017



Nigard og Uppigard Viste i nedre Nordherad vart på 1870-talet slege saman slik at nigard Viste i dag er ein del av det som har namnet Uppigard Viste. Viste er nemnd frå 1520 da som Viste, Wiiste i 1578, 1594, Wiste 1604, Wiisted 1668 og Widsted 1723.

Nigard Viste er i jordebok 1577 og seinare nemnd som halvgard. Koppeskatten 1645 nemner Jon Wiste og hans hustru. Skattematrikkelen 1647 nemner nigard Viste som halvgard med 1 ½ hud, brukar var Jon Wiste og eigar dochter Rodius.

Det går fram av jordebok 1661 og matrikkelen 1666 at nigard Viste var rekna som fullgard med skyld 3 huder og engeland dertil 1 skinn. Jon Nielsen f.ca.1605 brukte 2 huder og Sigverd Jørgensen f.ca.1623 brukte 1 hud 1 skinn. Matrikkelen 1668 viser at Jon Viste eigde heile garden. Finnhovde (Kviten) er nemnd å tilhøyre Viste i 1661 og 1668 og det er dette som er engeland på 1 skinn..

Matrikkelen 1668 viser at nigard Viste hadde sommarseter i Kalven.

Sigverd eller Siver Jørgensen som brukte del av Viste i 1666 hadde ein son, kanskje var Kari som vart neste brukar dotter hans:

Ørje Sigverdsøn f.ca.1656.

Kari???

Kari Siversdotter Viste d.etter 1719 var gift med Anders Pålsen Bjørnstad n. d.1719. Dei var på Viste nigard.

Pål 1692-1770, g.m. Anne Pålsdtr. Tolstad 1701-1767. Pål overtok Bjørnstad nedre etter farbroren Kristen Bjørnstad.

Siver f.ca.1697 d.1697, neste brukar

Siver Andersen Viste f.1697 d.1769 var gift med Ragnhild d.y. Andersdtr. nordgard Viste f.ca.1720 d.ca.1760, dotter til Anders Olsen Viste f.ca.1661 d.1742 og Ingebjørg Knutsdtr. Ekle (Lom) f.ca.1676 d.1740. Siver og Ragnhild hadde 5 barn:

Anders 1737-1782, neste brukar

Ole f.ca.1741 d.1783, ugift

Kari f.ca.1745 d.1820, g.1770 m. Erik Hansen Stranden n. 1743-1798

Anders d.y. f.ca.1750 d.1797, ugift

Christen f.1755, ugift i 1801

Anders Syversen 1737-1782 fekk i 1769 skjøte på nigard Viste. Anders var gift med Synnev Poulsdtr. f.ca.1747. Anders og Synnev hadde 5 barn:

Ragnhild f.ca.1771 d.ca.1795

Syver f.ca.1775, g.m. Kari Johansdtr. f.ca.1775, brukarar på Kviten

Anne f.ca.1777, ugift i 1801

Kari f.ca.1779 d.før 1801

Pål f.ca.1782

I 1783 skjøta Synnev som enkje garden over til bror til mannen, Anders d.y. Syversen Viste. Synnev og barna flytte til Kviten som var eit underbruk til Viste.

Anders d.y. Syversen Viste 1750-1797 var ugift. Anders selde i 1795 nigard Viste til Hans Tordsen Harildstad, men han hadde ikkje garden lenge.

Folketellinga i 1801 viser nye brukarar: Simen Pålsen Tolstad (Øi og Viste) 1767-1849, son av Pål Hansen Tolstad 1734-1812 og Mari Pålsdtr. Tofte 1733-1807. Simen var gift med Ragnhild Iversdtr. Fellese 1770-1848, dotter til Iver Christensen Fellese 1735-1802 og Anne Pålsdtr. Tofte 1736-1792. Simen og Ragnhild var syskjebarn, dei hadde 9 barn:

Anne f. 1795, g.1830 m. Øistein Pedersen Sandnes n. 1770-1844

Mari f. 1797, g.m. Pål Olsen Andgard (Dovre) f.1800, hans andre ekteskap

Pål 1799-1863, g. 1848 m. Imbiør Eriksdtr. Siem f.1821 d.før 1865

Kari 1800-1841, g. 1840 med Pål Olsen Angard, hans fyrste ekteskap, dei hadde dottera  
Mari som vart gift til Håkenstad

Barbro 1802-1895, g.m. Hans Jonsen Valde n. f.1806, på nordgard Valde

Iver 1805-1856, g.m. Ragnhild Thorsdtr. Svare 1836-1858

Guri 1808-1856, ugift

Tor 1809-1854, neste brukar

Hans 1811-1847, ugift, Sandnes

Tor Simensen Viste 1809-1854, g.m. Anne Olsdtr. Viste oppigard f.1821, dtr. av Ole Iversen Viste 1773-1852 og Guri Thorsdtr. Olstad (Sel) 1793-1852. Tor og Anne hadde 3 barn:

Tor 1845-1928, neste brukar

Mari 1847-1926, g.m. Gudbrand Andersen Strand n. 1848-1890, på Sande og Strand n.

Ragnhild 1851-1880, g. 1870 m. Ole Amundsen Bu n. (Sel) f. 1846, på Sande og Halland

Tor Torsen Viste 1845-1928, g. 1871 med Ingrid Pålsdtr. Ulsvolden 1848-1940, dtr. av Pål Iversen Snerle (Ulsvolden) 1810-1867 og Marit Iverdtr. Blessum (Sørem) 1803-1877. Tor og Ingrid hadde 7 barn:

Anne f.1872, g.m. Thor Andersen (Sel)

Pål 1872-1956, g.m. Imbiør Ivarsdtr. Vetlesæter 1881-1968

Marit 1875-1965, ug.

Simen 1878-1930, ug.

Ragnhild f.1880, til USA

Ingrid f.1883, til USA

Gunhild f.1885, til USA

Tor Torsen Viste selde i 1872 nigard Viste til sakfører Hans Augustinus Hysing Olsen som same året kjøpte oppigard Viste. Det vart i 1873 tinglyst samanføring av oppigard og nigard. Det var tunet på oppigard som vart brukt på den samanslegne garden, og garden har dermed gått under namnet Uppigard Viste.

Tor Torsen Viste med familie flytte til Ulsvolden på Sel der kjerringa Ingrid kom frå, men seinare kjøpte han att garden som nå omfatta både nigard og oppigard.

I 1668 vart det på nigard Viste fødd 26 fe, det var 4 hestar og det vart sådd 7 1/2 tønner.

I 1865 var det på niggard Viste 4 hestar, 27 kyr, 32 sauer, 17 geit og 3 grisar. Det vart sådd 1/5 tønne rug, 8 tønner bygg, 1/5 tønne erter og 8 tønner poteter.

Kjelder:

P.Ø.Kvarberg 2000: Slekter i Vågå og Lom, Slekten på Fellese med Sygard Raastadrekken

Panteregister Nord-Gudbrandsdal tingrett 1863-1908

Folketelling 1801

Koppskatten 1645, matrikkel 1647, manntal 1666, matrikkel 1668

O. Rygh: Norske Gaardnavne / Diplomatarium Norvegicum.

Folketeljing 1865

Jakup Skjedsvoll: avskrifter jordebøker m.m.